

# Akademi Sukan UPM bantu Felda United

**SERDANG** Akademi Sukan, Universiti Putra Malaysia (UPM) dipilih menjadi perunding fizikal dan psikologi pasukan bola sepak Felda United bagi mengharungi cabaran Liga Perdana musim depan.

Penyelidik Akademi Sukan, Prof. Madya Dr. Muhammad Nazrul Hakim Abdullah akan mengetuai ujian fizikal yang dijalankan ke atas pemain Felda United.

Sebelum menjalani ujian fizikal, katanya, pemain akan berdepan dengan ujian psikologi mental menggunakan soal selidik termasuk untuk menguji kekuatan mental dan semangat berpasukan.

Muhammad berkata, seramai 21 orang pemain pasukan itu diuji dalam persiapan menghadapi Liga Perdana tahun depan.

Selain itu, katanya, pemain Felda United turut menjalani terapi psikologi yang dijalankan oleh sekumpulan penyelidik yang diketuai oleh Ketua Makmal Pembangunan Sukan, Prof. Madya Dr. Mohd. Sofian Omar Fauzee.

Pemilihan Akademi Sukan UPM sebagai perunding kepada FUFC menyuntik semangat akademi itu dalam usaha mendapatkan dan menerbitkan hasil kajian yang lebih bermutu pada masa depan.

U.MALAYSIA 18/11/08.